



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCCXLVII. ad annum MDXXVII.

Parisiis, 1644

Mandatvm Marchionis Brandenburgensis.

urn:nbn:de:hbz:466:1-15644

M A N D A T U M M A R C H I O N I S
Brandenburgensis.

Dei gratia Ioachim marchio Brandenburgensis, sacri Romani imperii archicamerarius, princepsque elector, Stetiniae, Pomerniae, Cassuborum & Sclauorum dux, burgravius Nurembergensis ac Russiae princeps, vniuersis praesentes literas inspecturis, amicabile obsequium, salutem, fauorem, & complacendi animum affectuosum.

Ad hoc nos omnipotens Deus in membrum & vnum de catholicae ecclesiae columnis, meritis licet insufficien-tibus, constituit, vt eius mandatis ad extremum parere et iam dinoscamus atque cupiamus. Cum igitur felicis recordationis Iulius papa secundus, cuius, & non minus sanctissimi in Christo patris & domini nostri domini Leonis moderni pontificis, laudes tacere nequiuimus, sacrum Lateranense Concilium, ad ecclesiae sanctae Dei, ad Christianae reipublicae augmentum, extinctionem hæresis, reformationem morum, ac communem Christicolarum pacem tractandam indixerit: verum quia pluribus innumerisque negotiis præpediti, ac varia propter itineris discrimina, huiusmodi Concilio personaliter ad præsens interesse minime valemus, propterea præsentibus consiliariis & oratoribus nostris fidelibus nobis dilectis, venerabilibus ac magnificis dominis Enttelvuolffo de lapide equiti aurato, capitaneoque nostro, Bussoni de Aluestent iuris doctori, ac ecclesiae Magdeburgensis canonico, Ioanni Blanckenfeldo doctori, Teutonicorumque ordinis Prussiae in Romana curia procuratori generali, coniunctim & diuisim, melioribus quibus possumus & debemus modis in mandatis tradidimus atque commisimus, eos etiam constituimus, illisque vt nostris oratoribus impræsentiarum committimus atque mandamus, quatenus præsenti Lateranensi Concilio, sancte & rite indicto ac conuocato, nostro nomine, quantum per eos fieri poterit, interesse, in illoque comparendo actus & processus concelebrare, causas tractare, omniaque alia agere ac determinare, quæcumque celebrationi Lateranensis Concilii interueniunt, propontenturque: nec non quæ necessaria & opportuna vniuersali reformationi, fideique augmentatione videantur, & si speciale

S I iij

mandatum exegerint, & maiora essent expressis, nosque ipsi, si præsentes essemus, validiori modo facere possemus, cum omnibus clausulis, iuramentis & obligationibus necessariis, & quibus efficacius fieri potest, valeant. Promittentes ratum, gratum & validum omni in loco & tempore perpetuo habere, quidquid in prædictis & circa prædicta, & quodlibet eorum, per præsentes nominatosque nostros consiliarios & oratores actum conclusumque fuerit. In quorum omnium & singulorum fidem & testimonium præmissorum præsentes nostras literas ac constitutionis mandatum sigilli nostri appensione duximus roborandum, sub anno a nativitate Domini millesimo quingentesimo decimotertio, penultima die mensis Septembris.

Quo perlepto, magnifici domini oratores marchionis Montisferrati superius nominati dederunt mandatum, quod etiam fuit lectum per eumdem dominum Thomam Phædram in ambone, cuius tenor talis est.

M A N D A T U M M A R C H I O N I S Montisferrati.

*Guillelmus marchio Montisferrati, sacri Romani imperii princeps,
vicariusque perpetuus.*

Cum pro maiorum nostrorum & cuiuslibet Christiani principis more, reuerendum in Christo patrem dominum Dominicum de Schilius episcopum Aquensem, ac magnificos dominum * Galeoctum de Carreto, & dominum Franciscum * Pugellani, iuris vtriusque doctores, consiliarios & oratores nostros ad sanctissimum dominum nostrum Leonem papam decimum pro obedientia & reuerentia suæ sanctitati præstanda nuper destinauerimus, accepimus septimam Lateranensis Concilii diuinitus conuocati, vniuersalem repræsentantis ecclesiam, imminere sessionem. Ne igitur ab dominico ouili, cuius non spernendum membrum sumus, tamquam vagi aberrare, & inconsutilis vestis Domini & saluatoris nostri Iesu Christi temerarii & improbi laniatores iudicemur, ipsam in primis vniuersalem Synodus Lateranensem per sanctæ memoriae Iulium secundum in Spiritu sancto legitime &